

Međunarodna zajednica i Palestina

Nj.E. Rabi Alhantuli



U novembru se obilježavaju važni datumi za istoriju Palestinu. Balfurova deklaracija je kratko pismo koje je 2. novembra 1917. godine, tadašnji britanski sekretar za spoljne poslove lord Artur Balfur, uputio baronu Lionelu V. Rotšildu, uticajnom britanskom političaru i sljedbeniku ideja cionističkog pokreta, izražavajući podršku britanske vlade osnivanju jevrejske domovine u Palestini. Za cioniste, ovaj događaj predstavlja početak formiranja države Izrael. S druge strane, Palestinci ga smatraju nečasnim aktom izdaje Velike Britanije pod čijim se mandatom, u skladu s odlukama Lige naroda, Palestina tada nalazila. Sljedeći važan datum za istorijski razvoj Palestine je 15. novembar, kada je prije 29 godina, palestinski parlament u egzilu usvojio, a Jaser Arafat proglasio "Deklaraciju o nezavisnosti". Na taj način, prihvatajući uslove međunarodne zajedice, Palestinci su se obavezali da će samostalnu državu formirati na svega jednoj četvrtini prvobitne teritorije Palestine. Generalna skupština Ujedinjenih nacija je 1977. godine pozvala na godišnje obilježavanje 29. novembra kao Međunarodnog dana solidarnosti sa palestinskim narodom, u znak sjećanja na rezoluciju o podjeli Palestine, usvojenu istog dana 1947. godine. Do danas, međunarodna zajednica nije uspjela da obezbijedi uslove za sprovođenje ove i drugih rezolucija UN-a, odnosno učini efektivnom odluku o proglašenju nezavisnosti Palestine.

Nj.E. Rabi Alhantuli rođen je u Bejrutu 1975. godine. Školovao se u Francuskoj (Univerzitet Pol Valeri, Monpelje). Diplomatsku karijeru u Ministarstvu vanjskih poslova države Palestine započeo je 2002. godine. Imenovan je 2009. godine za pomoćnika diplomatskog savjetnika predsjednika Palestine. Nakon diplomatske službe u Ujedinjenim nacijama i Italiji, u oktobru 2016. godine imenovan je za prvog rezidentnog ambasadora Palestine u Crnoj Gori. Pored maternjeg arapskog, govori engleski i francuski, a služi se i italijanskim i španskim jezikom.

**Srijeda, 29. novembar 2017. godine
12-13h, sala 5**